

Wos foisch gmocht

Text: Pepi Hopf – Musik: Helmut Holzdorfer

(Capo: III)

Intro: 4 x : D G | A

Waunn i bei da Karlich-Show zu Gost bin
 Bei Willkommen Österreich a Liad sing
 Waunn NEWS a Home-Story von mir mocht
 Und olles über meine hoarmlosen Scherzaln locht,
 A jeda sogt: "Ma, is der nett
 Und imma so höflich und adrett!"

Ref.: Is des für vüle vülleicht a Zü
 Oba sicha net, wos i wü
 Weu, waunn i ma söba nimma schod,
 Daunn waß i, dass i wos foisch gmocht hob.

Zwischenspiel: fis | h | G , A | D

Mia is scho kloar, dass Sie Eintritt zoihn,
 Nur haßt des net, dass i sogn muass, wos Sie hearn woin.
 Is die Versuchung zwoar recht groß,
 Oba da Preis is ma zu hoch.
 Waunn ma uns so vastehn, is des scheen,
 Waunn net, wer´ ma´s beide übalebn.

Ref.: Weu war i fia jedn so a Oart Höd,
 War´n meine Toschn volla Göd
 Und waunn i nur mehr Freind do hob,
 Waß i, dass is wos foisch gmocht hob.

Zwischenspiel: fis | h | G , A | D

Es is ma schon vü zu oft passiert,
 Do hob i mi schlichtweg prostituiert
 I hob ma ei´ gredt, des mocht Sinn
 Weu i damit mei Göd vadien´
 Heite waß i, dass ma besser geht,
 Waunn i sog, des moch i net

(halbes Tempo!)

Ref.: Do kumm i lieber Fliesnlegn zu dir
 Oba wos i ma denk, des gheart nur mir
 Meine Gedaunkn, die ghearn mir
 Oba i teu sie gern mit dir

Coda:(im Original-Tempo!)

Zwischenspiel: fis | h | G , A | D